


बच्चन के ले बाइबिल देत है



कुंइयां पइ की एक अउरत



द्वारा लिखत: Edward Hughes

द्वारा चित्र: Lazarus
Alastair Paterson


द्वारा अनुकूल: Ruth Klassen

द्वारा अनुवाद करो गयो:


द्वारा बनाओ: Bible for Children
www.M1914.org

©2024 Bible for Children, Inc.
लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।

यीशु अउरु बाके चेला सामरिया के देश से हुइके यात्रा करि रहे हते।
वइ सूखार नाउ के एक शहर मा आये।




हुआँ एक कुँइयां हती, जहाँ सूखार के लोग पियन के लै पानी भरो कत हते। इस्राएलिन के पूर्वज, याकूब ने बा कुँइयां कौ बहुत पहिले खुदवाओ हतो।




3

दुपहर कौ शाइति बहुत घामो अउरु गर्मी हती। बहुतु थके भै, यीशु कुँइयां पइ सत्तान लगो। जबकि चेला रोटी खरीदन के लै सूखार शहर कौ चले गये हते।



4

हुआँ यीशु कतइं अकेले हते - लेकिन थोरी देर बादि। सूखार शहर से एक अउरत पानी भन्न के लै आई। यीशु ने बा से कही, "हमइं पियन के लै पानी देऊ।"




5

बा अउरत चकित हुई गयी। बाने कही, "जउ कइसे हुई सकति हइ कि तुम, एक यहूदी होत भै, एक सामरी अउरत से पियन के लै पानी मांगति हउ?" उन दिनन मा, यहूदी लोग सामरियन से कोई मतलबु नाइ राखत हते!




6

जब यीशु ने बासे जा कही बा बहुतु जादा हइरान हती, "अगर तुम हमइ जनतीं कि हम कउनु हंइ? तउ तुम हमसे जिन्दगी को जलु मंगती।"




7

अउरत ने यीशु से कही, "महाराज, तुमारे तीर पानी निकान्न के लै कुछुअउ नाइ हइ, अउरु जा कुँइयां बहुतु गहिरी हइ। तउ फिरि तुम बा जिन्दगी के जल कौ कइसे निकरिअउ? का तुम हमारे पूर्वज, याकूबउ से बडे हउ जिसने हमइ जा कुँइयां हइ...?"




8



यीशु ने बा से कही, "जो कोई जा पानी कौ पिअति हइ बाइ फेरि से पिआस लगति हइ। लेकिन जो जिन्दगी को पानी हम देत हइ बासे वउ फेरि कबहुं पिआसो नाई हुइही। जो पानी हम देत हइ... वउ पानी बामइ हमेशा की जिंदगी को एकु सोतु बनि जइही।" अउरत ने कही, "महाराज, ...वउ पानी हमउ कौ देउ।"

9




यीशु ने कही, जाउ अपने आदिमी कौ बुलाइके लाबउ। "मेरो कोई आदिमी नाइ हइ," बा अउरत ने जवाबु दौ। यीशु ने कही, "तुम पांच आदिमी करि चुकी हउ।" "अउऊ जो अभइ तुमारे संग हइ वोहो तुमारो आदिमी नाइ हइ।"


10

बा अउरत ने जानि लइ कि यीशु एकु भविष्यद्वक्ता हइ। बाने परमेश्वर की पूजा कन्न के बारे मा बहस कन्न की कोशति करी: कि परमेश्वर की उपासना यरूशलेम मा करइं या सामरियन के पाक पहाड पइ यीशु ने जबाबु दौ कि सच्चे उपासक पिता परमेश्वर की उपासना आत्मा अउरु सच्चाई से कत हइ।


बा अउरत ने यीशु से कही, "हम जान्त हइ कि मसीहा आउन वाले हइ।" जब वई अइहीं, तब वइ हमई सब बातइं बतइहीं। जिससे तुम बातइं कर्ती हउ हम वेई हइं, "यीशु ने बाई बताई" तभंड, चेला वापिस आई गये। बा अउरत अपनी कीमती गगरिया कौ होनइ छोडिके हुंआ से अपने शहर मा चली आई।



11




12



"बा अउरत सूखार शहर मा जाइके सब आदिमिन कौ बताउन लगी कि आबउ बा आदिमी कौ देखउ चले जिसने हमइ सबकुछु बताइ दौ हई", जो हमने पहिले करो हतो। "का जहेई तउ मसीह नाइ हइ?" लोग यीशु कौ देखन के लै शहर छोडि के आइ गये।

13




जा बीच, चलन ने यीशु कौ खान के लै कही। लेकिन यीशु ने कही "मेरो खाना मेरे पठउन वाले की मर्जी पूरी करिबो अउरु बाको कामु पूरो करिबो हइ।" उनको कामु लोगन कौ परमेश्वर के तीर लइबो हतो।

14

बा अउरत की बजह से बहुतेरेन ने बा पर भरोसो करो। उन्ने यीशु कौ उनके संगइ रहन के लै कही अउरु यीशु हुंआ दुइ दिन तक उनके संग

रहे। बहुत जादा लोगन ने यीशु के वचनन के मारे भरोसो करो उन्ने कही, ...
“जइसो हमने खुदइ सुनो अउरु देखो हइ कि जइ वाकइ मा मसीह हंइ, अउरु दुनिया के उधारकर्ता हंइ।”



15

कुंइयां पइ की एक अउरत

परमेश्वर के वचनन से बाइबिल की एक कहानी

में पायी जाती है

यूहन्ना ४

“तुमहोर शब्द के प्रवेश से रोशनी मिलत है।”

भजन ११९:१३०

16

समाप्त

47



60

17

जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हरे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन वाले व्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहन्ना ३:१६

18